

Perkenalkan sejarah kedatangan Islam ke Australia



REKTOR Universiti Islam Sultan Sharif Ali, Dr. Haji Norarfan bin Haji Zainal dan Pesuruhjaya Tinggi Australia ke Negara Brunei Darussalam, Puan Yang Terutama Nicola Rosenblum semasa hadir pada Ceramah Umum daripada General Manager, Islamic Museum of Australia, Mr. Ali Fahour.

Oleh : Khartini Hamir
Foto : Muhammad Asri Haji Awang Abas

GADONG, Selasa, 29 Januari. - Universiti Islam Sultan Sharif Ali (UNISSA), petang tadi mengalu-alukan kunjungan daripada General Manager, Islamic Museum of Australia, Mr. Ali Fahour yang sedang dalam rangka mengadakan Pameran Warisan Sejarah Islam Australia dan kesannya terhadap kontemporari Australia di negara ini.

Kunjungan tersebut turut diisikan dengan Ceramah Umum yang disampaikan oleh beliau yang bertajuk 'Islam in Australia'.

bertajuk 'Islam in Australia'.

Antara isi kandungan ceramah beliau ialah mengenai komuniti masyarakat Islam yang ada di Australia dan sejarah mula kedatangan Islam di negara berkenaan (Macassan dalam sekitar tahun 1600), sejarah Muslim di Australia melalui penempatan Eropah dan Kolonial, sejarah penubuhan awal masjid di negara berkenaan, gelombang penghijrahan Muslim di Australia, kepelbagaian budaya serta ancaman kepada perpaduan sosial dan banyak lagi perkara menarik yang telah dikongsikan oleh beliau.

Terdahulu, rombongan tersebut telah dialu-alukan oleh Rektor UNISSA, Dr. Haji Norarfan bin Haji Zainal.

Juga hadir sama ialah Pesuruhjaya Tinggi Australia ke Negara Brunei Darussalam, Puan Yang Terutama Nicola Rosenblum.

Dalam ucapannya, Puan Yang Terutama melahirkan rasa penghargaan dan terima kasih kepada pihak UNISSA kerana memberikan peluang memperkenalkan Islam di Australia sebagai sokongan penganjuran pameran yang

menggambarkan warisan sejarah Islam Australia dan kesannya terhadap kontemporari Australia, dengan tema 'Boundless Plains: The Australian Muslim Connection' yang telah dilancarkan di Kompleks Membeli-belah Supa Save, Mabohai baru-baru ini.

Peluang ini diharap merupakan perintis dalam membuka ruang kerjasama antara Australia dan Brunei khususnya UNISSA dalam bidang yang bersesuaian di masa akan datang.

Majlis tersebut merupakan anjuran bersama Fakulti Pengurusan Pembangunan Islam dan Pusat Perhubungan Awam dan Antarabangsa UNISSA.

Ianya bertujuan sebagai usaha memperkuatkan hubungan antara Negara Brunei Darussalam dan Australia terutama dalam bidang pendidikan.

Melalui ceramah itu juga dapat memperkenalkan kepada masyarakat luar dan warga UNISSA mempelajari tentang kehidupan lebih daripada setengah juta umat Islam di Australia dalam memberikan kesedaran dan penghargaan kepelbagaian Ummah Muslim global.

Ceramah tersebut turut dihadiri



GENERAL Manager, Islamic Museum of Australia, Mr. Ali Fahour semasa menyampaikan Ceramah Umum beliau bertajuk 'Islam in Australia' semasa membuat kunjungan ke Universiti Islam Sultan Sharif Ali.

oleh pegawai-pegawai utama UNISSA, pensyarah dan mahasiswa / mahasiswi UNISSA.

Meningkatkan pengetahuan melalui taklimat dan lawatan



KETUA Unit Kenegaraan, Bahagian Kenegaraan dan Kemasyarakatan, Jabatan Penerangan, Dayang Hajah Hamsah binti Datu Kerna Haji Jaya semasa menyampaikan 'Taklimat Struktur Pentadbiran Negara Brunei Darussalam'.

BANDAR SERI BEGAWAN, Selasa, 29 Januari. - Program Perkampungan Sivik Lepas Ijazah Negara Brunei Darussalam Kali Pertama 2019 diteruskan dengan beberapa sesi taklimat dan lawatan serta ceramah motivasi.

Bertempat di Kompleks Sukan Sungai Kebun, di sini, para peserta program mula-mula mendengarkan taklimat 'Negara Melayu Islam Beraja: Sejarah dan Kelangsungan', disampaikan oleh Setiausaha Pejabat Sekretariat Majlis Tertinggi Melayu Islam Beraja (MTMIB), Dr. Awang Haji Muhammad Hadi bin Muhammad Melayong.

Dalam taklimatnya beliau antara lain menyatakan bahawa Konsep Melayu Islam Beraja (MIB) bukan

sekadar konsep, malahan merupakan sandaran dan cara hidup rakyat negara ini sejak berabad lamanya yang masih mengamalkan Adat Istiadat Melayu yang berketuakan Raja dan berpegang kepada agama Allah Subhanahu Wata'ala, iaitu agama Islam.

Taklimat juga memfokuskan kepada sejarah kewujudan pemerintahan beraja, sebagaimana yang telah dimasyhurkan oleh Kebawah Duli Yang Maha Mulia Paduka Seri Baginda Sultan Haji Hassanal Bolkiah Mu'izzaddin Waddaulah, Sultan dan Yang Di-Pertuan Negara Brunei Darussalam pada 1 Januari 1984, untuk selama-lamanya kekal menjadi sebuah negara MIB yang merdeka, berdaulat dan demokratik bersandikan kepada ajaran-ajaran agama Islam menurut Ahli Sunnah Waljamaah.

Menurut beliau, berdasarkan Wawasan Brunei 2035, MIB merupakan acuan yang akan membentuk dan mewarnai apa jua kemajuan dan pembangunan yang akan dicapai, untuk kesejahteraan dan kemakmuran hidup rakyat bagi kelangsungan pemerintahan beraja di negara ini.

Taklimat diteruskan dengan tajuk 'Taklimat Struktur Pentadbiran Negara Brunei Darussalam', disampaikan oleh Ketua Unit Kenegaraan, Bahagian Kenegaraan dan Kemasyarakatan, Jabatan Penerangan, Dayang Hajah Hamsah binti Datu Kerna Haji Jaya, yang antara lain menyentuh mengenai sejarah pemerintahan Negara Brunei Darussalam.

Pada sebelah petang pula, para peserta program berpeluang mengadakan lawatan ke RZ Prisma Enterprise, KKP Kilanas, di mana mereka berkesempatan

mencuba menanam benih tanaman secara hidroponik dan membuat lawatan ke *greenhouse*.

Para peserta program juga mendengarkan taklimat mengenai latar belakang syarikat dan jenis-jenis tanaman disampaikan oleh Pengurus Besar, RZ Prisma Enterprise Sdn. Bhd., Pengiran Dato Paduka Haji Abdul Rahman bin Pengiran Seri Indera Pengiran Haji Ismail yang turut mengongsikan pengalaman dalam mengusahakan ladang berkenaan.

Manakala di sebelah malam pula para peserta mendengarkan ceramah motivasi disampaikan oleh Pegawai Latihan, Institut Perkhidmatan Awam (IPA), Awang Haji Noor Hussein bin Haji Mohd. Hussein di mana dalam ceramahnya bertajuk 'Apa Bagus Ah?', beliau antara lain mengongsikan cara bijak menilai; Syukur dan sabar dengan rezeki dan Hindari sindrom P.A.Y.A.H.

Aktiviti para peserta diakhiri dengan percambahan fikiran berkumpul yang dikendalikan oleh Unit Kenegaraan, Bahagian Kenegaraan dan Kemasyarakatan, Jabatan Penerangan.

Program anjuran Jabatan Penerangan, Jabatan Perdana Menteri melalui Unit Kenegaraan, Bahagian Kenegaraan dan Kemasyarakatan ini disertai oleh seramai 35 peserta terdiri dari lepasan-lepasan ijazah dari institusi-institusi pengajian tinggi dalam dan luar negara.

PARA peserta Program Perkampungan Sivik Lepas Ijazah Negara Brunei Darussalam Kali Pertama 2019 ketika mengadakan lawatan ke RZ Prisma Enterprise.

Siaran Akhbar : Jabatan Penerangan
Foto : Hamzah Mohidin, Dk. Nur Hafilah Pg. Osman, Mohd. Zul-Izzi Haji Duraman



SETIAUSAHA Pejabat Sekretariat Majlis Tertinggi Melayu Islam Beraja (MTMIB), Dr. Awang Haji Muhammad Hadi bin Muhammad Melayong semasa menyampaikan taklimat 'Negara Melayu Islam Beraja: Sejarah dan Kelangsungan'.

